



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-558/20  
Sarajevo, 27.05.2020. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 38. sjednici održanoj 27.05.2020. godine, usvojilo je

Izvještaj o provođenju odluke o spomenicima od značaja za Grad Sarajevo za 2019. godinu.

*PREDSJEDAVAJUĆI GRADSKOG VIJEĆA*

*Dr. Igor Gavrić, s.r.*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNIK**

*IZVJEŠTAJ*  
*O PROVOĐENJU ODLUKE O SPOMENICIMA OD ZNAČAJA ZA*  
*GRAD SARAJEVO ZA 2019. GODINU*

*Sarajevo, maj 2020. godine*

**Adresa:** Hamdije Kreševljakovića 3  
71000 Sarajevo, BIH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



U skladu sa Programom rada Gradskog Vijeća za 2020. godinu pripremljen je Izvještaj o provođenju Odluke o spomenicima od značaja za Grad Sarajevo za 2019. godinu.

Odlukom o spomenicima od značaja za Grad Sarajevo („Službene novine Kantona Sarajevo“, broj 12/11), Odlukom o izmjenama i dopunama Odluke spomenicima od značaja za Grad Sarajevo („Službene novine Kantona Sarajevo“, broj 21/16) i Odlukom o izmjenama i dopunama Odluke o spomenicima od značaja za Grad Sarajevo („Službene novine Kantona Sarajevo“, broj 51/18), odnosno novom Odlukom o spomenicima od značaja za Grad Sarajevo („Službene novine Kantona Sarajevo“, broj 49/19), definisan je kriteriji za utvrđivanje spomenika od značaja za Grad Sarajevo, vrste spomenika, način podnošenja inicijative za podizanje spomenika od značaja za Grad Sarajevo, uslovi i postupak za podizanje spomenika od značaja za Grad Sarajevo kao i način čuvanja, održavanja i zaštite spomenika podignutih u skladu sa ovom Odlukom.

U 2019. godini Služba za urbano planiranje, investicije, stambene i komunalne poslove je u skladu sa Odlukom o podizanju spomenik od interesa za Grad Sarajevo obradila i prosljedila sljedeće inicijative Komisiji za spomenike na razmatranje:

1. Inicijativu vijećnika Samira Fazlića za izgradnju spomenika poginulim stranim državljanima koji su svojim životima dali doprinos u spašavanju i liječenju građana Sarajeva, kao i humanitarnim akcijama i širenju istine kroz inostrane medije u ratnom periodu 1992.-1995. Komisija je razmatrala navedenu inicijativu i konstatovala da navedena inicijativa nije podizanje spomenika od interesa za Grad Sarajevo u skladu sa kriterijima iz člana 2. Odluke o spomenicima od značaja za Grad Sarajevo.
2. U skladu sa Odluku o podizanju spomen obilježja Gradskog Vijeća, broj 01-GV- 02-795/18 od 27.06.2018. godine, dodijeljeno je 10.000,00 KM udruženju „Odred Lasta” za potrebe podizanja spomenika. U 2020. godini očekuje se završetak radova na ovom spomeniku.
3. Inicijativu vijećnika Samira Fazlića za podizanje spomen česme Karlu Ivaniću koju je Komisija za spomenike razmatrala i konstatovala da navedena inicijativa nije podizanje spomenika od interesa za Grad Sarajevo u skladu sa kriterijima iz člana 2. Odluke o spomenicima od značaja za Grad Sarajevo.
4. Inicijativu Općine Centar za podizanje spomenika ZOI '84, Komisija za spomenike je razmatrala i konstatovala da inicijativa ne ispunjava uslove iz člana 2. Odluke o spomenicima od značaja za Grad Sarajevo.
5. Inicijativu Općinskog vijeća Centar za podizanje spomen obilježja vijećnicima ZAVNOBIH-a na Trgu Bosne i Hercegovine. Navedena inicijativa je još uvijek u postupku odlučivanja zbog pribavljanja dodatnih neophodnih informacija. Očekuje se konačan stav Komisije u 2020. godini.
6. Po planu rada i propisima Odluke o podizanju spomenika od značaja za Grad Sarajevo, usvojen je Plan podizanja spomenika od značaja za Grad Sarajevo u 2020. godini i Plan održavanja Spomenika od značaja za Grad Sarajevo u 2020. godini.
7. U 2019. godini naručen je Elaborat o stanju spomenika od značaja za Grad Sarajevo od Zavoda za zaštitu kulturno-historijskog naslijeđa ka stručne institucije. Ovaj Elaborat je

dao pregled stanja spomenika i neophodne mjere na njihovom održavanju i sanaciji. Na osnovu ovog Elaborata pripremljen je Plan održavanja spomenika u 2020. godini.

8. Razmatrana je inicijativa zastupnika Damira Nikšića o promjeni naziva parka preko puta zgrade Predsjedništva i podizanje novog spomenika. Komisija je konstatovala da nije nadležna za promjenu naziva parka, kao i da sama inicijativa nije predložena u skladu sa članom 5. Odluke o spomenicima, odnosno nije predložena od ovlaštenog predlagača.
9. Inicijativu za realizaciju podizanju spomen-obilježja „HVO Sarajevo“ komisija je podržala i uputila u formi Nacrta Odluke u daljnju proceduru. Očekuje se realizacija ovog projekata u 2020. godini.
10. U 2019. godini, realizovan je ugovor o javnoj nabavci „Usluge redovnog održavanja čistoće za Spomen obilježju ubijenoj djeci opkoljenog Sarajeva 1992.-1995., Spomenik “Vječna vatra”, Spomen obilježje Mirzi Delibašiću i Davorinu Popoviću u parku kod FIS-a i na Trgu žrtava genocida u Srebrenici sa privrednim društvom za pružanje usluga sanitarne preventivne i ekološke zaštite, dezinfekcije, dezinfekcije, deratizacije i održavanja objekata, te druge usluge „Kristal” d.o.o. Sarajevo, na period od godinu dana i to od 15.12.2018. do 15.12.2019. godine. Ugovorene usluge su obuhvatile svakodnevnu brigu o čistoći navedenih spomenika, kao i čišćenja snijega i sprječavanje poledica u zimskom periodu.
11. Troškove komunalnih usluga i energenata za spomenike koji sadrže fontane, određene mašinske i elektro uređaje, također snosi Grad Sarajevo, putem primjene drugog gradskog propisa.

Krajem 2019. godine, nakon provedene javne rasprave, Gradsko vijeće je donijelo novu Odluku o podizanju spomenika od interesa za Grad Sarajevo („Službene novine Kantona Sarajevo“, broj 49/19) iz više razloga, a kako slijedi u nastavku:

Jedan od razloga je činjenica da postoji veliki broj inicijativa za koje procedura nije okončana duži vremenski period, te je bilo neophodno propisati rokove za postupanje kao i posljedice u slučaju kada podnosilac inicijativa ne postupi u zadanom roku.

Uvažena je primjedba Zavoda za zaštitu kulturno-historijskog i prirodnog naslijeđa Kantona Sarajevo u Javnoj raspravi, odnosno Odluka o podizanju spomenika se sada upućuje u redovnu proceduru te je izmijenjen stav (6). člana 6.

Također, određen je i rok u kojem je Podnosilac inicijative dužan nakon stupanja na snagu Odluke o podizanju spomenika podnijeti zahtjev za izdavanje urbanističke saglasnosti za podizanje spomenika i o tome obavijesti gradonačelnika.

Propisana je i procedura stavljanja van snage donesenih odluka o podizanju spomenika ukoliko podnosilac inicijative ne izvrši obavezu podnošenja zahtjeva za izdavanje urbanističke saglasnosti u predviđenom roku, a obrazloženje za ovako postupanje je otvaranje mogućnosti da se odlukom dodijeljena lokacija opredijeli izgradnji drugog spomenika od značaja za Grad Sarajevo.

Članom 23. ove Odluke ostavljena je mogućnost da Gradsko vijeće, na prijedlog Komisije za spomenike, donese Odluku o promjeni statusa već podignutog spomenika

Precizirana je obaveza tačne budžetska pozicije koja predviđa obavezu planiranja sredstava na posebnoj stavci u Budžetu Grada Sarajeva.

Pored sredstava za čuvanje, održavanje i zaštitu spomenika od značaja za Grad Sarajevo, koje će se vršiti u skladu sa Programom tekućeg održavanja spomenika od značaja za Grad Sarajevo, koji donosi gradonačelnik uz prethodnu pribavljenu saglasnost Komisije za spomenike Gradskog vijeća, potrebno je redovno planirati i sredstva za izgradnju novih spomenika od značaja za Grad Sarajevo. Iz tog razloga je predviđeno donošenje godišnjeg Programa podizanja spomenika od značaja za Grad Sarajevo kojeg, na prijedlog gradonačelnika, usvaja Gradsko vijeće Grada Sarajeva. Gradonačelnik će predložiti program Gradskom vijeću cijeneći mogućnost izdvajanja sredstava za ovu namjenu u godišnjem budžetu, rokove u kojima su određene inicijative podnesene, te kompleksnost projekta podizanja svakog pojedinog spomenika (očekuje se da će podizanje određenih spomenika biti i višegodišnji projekti, a određena spomen obilježja, kao što su spomen ploče i slično, se mogu izvesti u relativno kratkom roku i uz manje izdvajanje).

Elaborat o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo, koji je usvojen na sjednici Gradskog vijeća Grada Sarajeva održanoj dana 28.01.2015. godine, nije pratilo donošenje Odluke o provedbi Elaborata te je novom odlukom riješeno i to pitanje.

Kako je prethodno navedeno u posljednjoj izmjeni i dopuni Odluke o spomenicima stavljena je obaveza izrade godišnjeg Programa tekućeg održavanja spomenika od značaja za Grad Sarajevo te Programa podizanja spomenika od značaja za Grad Sarajevo.

Definisana je obaveza vođenja registra spomenika i umjetničkih skulptura putem nadležne službe, te obaveza informisanja Kantonalnog zavod za zaštitu kulturno-historijskog i prirodnog naslijeđa Kantona Sarajevo o novopodignutom spomeniku.

Također, propisane su kaznene odredbe za podizanje suprotno odredbama ove Odluke kao i kazne za sknavljenje i oštećenje.

Smatramo da smo donošenje nove Odluke o spomenicima od značaja za Grad Sarajevo značajno unaprijedili ovu oblast.